

IN CURT

IL CORS Da cuatri continents par studiâ la nestre culture

A son rivâts di cuatri continents (Afriche, Americhis, Europe e Oceanie) i 22 participantis ae vincjesime edizion dal "Cors intensif di lenghe e culture taliane" screât vuê ae Universitât di Udin. Dai 2 ai 20 di Lui a àn aprofondit a 360 grâts la culture taliane, de lenghe fevelade e scrite ae leterature,

dal patrimoni storic artistic al cine. Par trê setemanis a son stâts impegnâts in 60 oris di lezioni, ativitâts di laboratori linguistic, seminaris su culture e leterature taliane moderne e



contemporanie, proieziions di oparis cinematografichis, visitis vuidadis. Dai 22 corsiscj 19 a

son stâts selezionâts di universitâts e ents convenzionâts cul ateneu furlan. Di lôr, cuatri (ducj argjentinis) a son stâts selezionâts de Associazion emigrâts lavoradôrs dal Friul Vignesie Julie (Alef), sis de Universitât di Sidney (Australie); siet des universitâts russis Lomonosov di Mosche (trê), Sant Peterburc (un), Stavropol (trê); doi i corsiscj de universitât messicane di Quintana Roo. Trê, infin, i corsiscj privâts che a vegnin di Alzerie, Canadá e Sud Afriche. La iniziative formative e je organizade dal Ufici mobilitât e relaziions internazionâls de Aree

servizis ai students in colaborazion cul Centri linguistic audiovisifs dal ateneu, cul supuart de Erdisu e de Alef.